

相續解脫地波羅蜜了義經

身二

劉宋天竺三藏法師求那跋陀羅譯

如相續解脫經說觀世音菩薩白佛言世尊  
菩薩有十地所謂歡喜地離垢地明地焰地  
難勝地現前地遠行地不動地善慧地法雲  
地佛地第十一此諸地幾種清淨攝為有幾

分佛告觀世音菩薩有四種清淨十一分攝  
此諸地觀世音希望清淨攝初地增上戒淨  
攝第二地增上心清淨攝第三地增上慧淨  
增上上妙淨攝第四地乃至佛地是四種  
淨攝彼諸地云何十一分觀世音解行地菩  
薩有十法行善修習菩薩解脫忍度此地已

菩薩超昇離生彼分滿足而未能於微細犯  
戒行正知住此則分不滿足為滿足故方便  
進求到已滿足而未能具足世俗三昧正受  
及滿足聞持陀羅尼此則分不滿足為滿足  
故方便進求到已滿足而未能如所得菩提  
分法數數修習亦未能捨正受法愛心此則

分不滿足為滿足故方便進求到已滿足而  
未能觀察真諦不能捨一向背生死向涅槃  
意行方便攝修菩提分法此則分不滿足為  
滿足故方便進求到已滿足而未能現前觀  
諸行生多住厭離多住無相此則分不滿足  
為滿足故方便進求到已滿足而未能多住

不斷無間無相思惟此則分不滿足為滿足  
故方便進求到已滿足而未能捨離無相有  
行及得相力此則分不滿足為滿足故方便  
進求到已滿足而未能究竟分別眾相分別  
諸名一切種說法得自在此則分不滿足為  
滿足故方便進求到已滿足而未能受得滿

足法身此則分不滿足為滿足故方便進求  
到已滿足而未能得一切爾焰無礙無障知  
見此則分不滿足為滿足故方便進求到已  
滿足彼分滿足故一切分滿足觀世音是名  
四種清淨十一種分攝一切諸地觀世音白  
佛言世尊何故初地名歡喜地乃至佛地名

為佛地佛告觀世音出昇大義得出世間心  
勝妙歡喜故初地名歡喜地離一切細微犯  
戒故第二地名離垢地彼三昧聞持依無量  
智光明故第三地名明地以智火焰燒諸煩  
惱修習菩提分法故第四地名焰地彼方便  
修習諸菩提分法艱難勤苦而得自在故第

五地名難勝地現前觀察諸行生及多相思  
惟故第六地名現前地不斷無間無相思惟  
遠入近清淨地故第七地名遠行地無相無  
開發相煩惱不行不動故第八地名不動地  
一切種說法自在得無過廣大智故第九地  
名善慧地如虛空等過惡以如大雲法身周

徧覆故第十地名法雲地細微煩惱爾焰障  
斷得無礙無障爾焰一切種覺故第十一地  
名佛地觀世音白佛言世尊此諸地有幾種  
愚幾種所治過佛告觀世音有二十二種愚  
十一種所治過初地衆生及法計著愚惡趣  
煩惱愚彼即所治過第二地微細犯戒行愚

種種業趣愚彼即所治過第三地欲愛愚滿  
足聞持愚彼即所治過第四地正受愛愚及  
法愛愚彼即所治過第五地一向生死向背  
思惟愚一向涅槃向背思惟愚彼即所治過  
第六地現前觀察諸行生愚多行相愚彼即  
所治過第七地微細相行愚一向無相思惟

方便行愚彼即所治過第八地無相無開發  
愚相自在愚彼即所治過第九地無量說法  
無量法字句上上智慧樂說摠持自在愚樂  
說自在愚彼即所治過第十地大神通愚入  
微細秘密愚彼即所治過佛地一切爾焰微  
細正受愚障礙愚彼即所治過觀世音是名

二十二愚十一種所治過於彼諸地建立不  
與無上菩提相應觀世音白佛言奇哉世尊  
無上菩提大利大果彼諸菩薩破大疑網度  
大罪過得無上菩提觀世音白佛言世尊於  
此諸地建立幾種殊勝佛告觀世音有八事  
謂增希望清淨心清淨悲清淨波羅蜜清淨

見佛供養清淨成熟衆生清淨生清淨力清淨觀世音於初地中增希望清淨乃至力清淨乃至上上地乃至佛地增希望清淨乃至力清淨當知彼是清淨彼佛地中惟除生清淨從初地至上上地彼功德等當知自地功德殊勝一切菩薩地是有上功德唯如來地

功德無上觀世音白佛言世尊以何等故菩薩於一切有生最勝佛告觀世音有四種謂快淨善根等集故隨智慧取故慈悲救一切衆生故自離染汗亦令他離故觀世音白佛言世尊菩薩何故發妙願勝願各力願佛告觀世音有四事彼菩薩巧住涅槃樂及堪能

疾得捨疾得及樂住無所因無所爲久受衆苦爲衆生故發願是故妙願勝願各力願觀世音白佛言世尊菩薩學有幾事

佛告觀世音菩薩學有六事所謂六波羅蜜檀波羅蜜乃至般若波羅蜜觀世音白佛言世尊此六學事幾增上戒學幾增上心學幾

增上慧學佛告觀世音施戒忍此三事是增上戒學禪是增上心學慧是增上慧學精進通一切觀世音白佛言世尊此六事幾是福德衆具幾是智慧衆具佛告觀世音增上戒學是福德衆具增上慧學是智慧衆具禪及精進通一切觀世音白佛言世尊菩薩於此

六學事云何學佛告觀世音有五種與波羅蜜相應謂說正法菩薩藏先極信解於彼行十法行聞思修慧隨護善提心習近善知識方便修學無間善業觀世音白佛言世尊何故此諸學事六種施設佛告觀世音有二事一者攝取衆生二者對治煩惱彼三學攝取

衆生三學對治煩惱菩薩布施衆具衆具饒益攝取衆生菩薩持戒不行惱害亦不恐迫無畏饒益攝取衆生菩薩忍辱於彼惱害逼迫恐怖堪忍饒益攝取衆生以此三學攝取衆生以勤精進折伏煩惱生斷煩惱修學善業修學善業不爲一切煩惱所動以禪伏煩

惱以慧斷諸使以此三學對治煩惱觀世音  
白佛言世尊何故施設餘四波羅蜜佛告觀  
世音此等是六波羅蜜伴故彼三波羅蜜攝  
取衆生菩薩攝事方便善業建立是故我說  
方便波羅蜜是三波羅蜜伴

復次觀世音菩薩現法多行煩惱不能堪任  
常修習忍貪樂下界故希望羸劣不能內一  
其心及菩薩藏聞緣修習不能開引出世間  
慧受行少福願未來世煩惱微薄是願波羅  
蜜煩惱薄已能勤精進是故我說願波羅蜜  
是精進波羅蜜伴親近善知識聽聞善法內  
正思惟轉劣希望得力希望殊勝上界能內

一心是故我說力波羅蜜是禪波羅蜜伴於  
菩薩藏聞緣修禪是智波羅蜜堪能開引出  
世間慧是故我說智波羅蜜是般若波羅蜜  
伴觀世音菩薩白佛言世尊何故六波羅蜜  
作如是次第說佛告觀世音彼上上招引依  
故菩薩棄捨身財受持淨戒護戒故忍忍已  
身二

精進進已能禪禪具足已得出世間慧觀世  
音白佛言世尊彼諸波羅蜜有幾種分別佛  
告觀世音各有三種檀波羅蜜三種者謂法  
施財施無畏施尸波羅蜜三種者謂轉捨不  
善戒轉生善戒轉利衆生戒羸提波羅蜜三  
種者謂不饒益忍安苦忍觀法忍毗梨耶波

羅蜜三種者謂弘誓精進善方便精進利衆  
生精進禪波羅蜜三種者謂離妄想寂靜煩  
惱苦對治樂住禪開引功德禪開引利衆生  
禪般若波羅蜜三種者謂世諦緣第一義諦  
緣利衆生緣觀世音白佛言世尊何以故此  
諸波羅蜜各波羅蜜佛告觀世音有五種一  
者無礙二者無顧三者無過四者無妄想五  
者回向無礙者謂於波羅蜜相違事不染著  
無顧者謂於波羅蜜果報及現世利心不繫  
縛無過者謂於諸波羅蜜離雜染汗無方便  
法無妄想者謂於諸波羅蜜不如言說計著  
自相回向者謂此諸波羅蜜已作已長養爲

未無上大善提果觀世音白佛言世尊何等  
 為違波羅蜜事佛告觀世音當知有六事一  
 者欲樂錢財自在增上王自見安樂功德福  
 利二者隨其所欲從身口意三者於他輕慢  
 心不堪忍四者於諸善法不勤方便五者習  
 近世間雜亂眾事見聞覺識六者世間戲論

作福利見觀世音白佛言世尊此諸波羅蜜  
 有何果報佛告觀世音彼亦有六種一者大  
 財二者善趣三者無怨四者不壞五者多喜  
 樂眾主增上主六者不害自身有大堪能觀  
 世音白佛言世尊此諸波羅蜜有何染汙法  
 雜佛告觀世音當知有四種一者無悲方便

二者不正思惟方便三者不常方便四者不  
 頻方便不正思惟方便者於此諸波羅蜜餘  
 波羅密雜亂修習觀世音白佛言世尊云何  
 非方便佛告觀世音於此諸波羅密已作長  
 養攝取眾主少財饒益心則歡喜不令眾主  
 覺悟不善安立善處是各非方便所以者何

身二

六

此非菩薩饒益眾主如不淨物若多若少無  
 有方便能令其香如是諸行性苦眾主非少  
 利饒益能令安樂第一攝取者安立善處觀  
 世音白佛言世尊此諸波羅蜜有幾種清淨  
 佛告觀世音我不說此諸波羅密離彼五種  
 更有清淨然我今日即於彼事摠別分別摠

說者一切波羅蜜清淨當知有七種何等為  
 七謂菩薩於此法不求人知於此法不執著  
 見於此菩提乘法不生疑惑若是若非不自  
 舉下他不高不放逸不以少劣生知足想不  
 於此法起慳嫉心今當別相說波羅密淨當  
 知七種何等為七謂菩薩於我所說七種淨

施受持修行施物清淨清淨施戒清淨見清  
 淨心清淨語清淨智清淨垢清淨清淨施是  
 七種名檀波羅密淨謂菩薩善制一切種律  
 儀戒善於出罪彼恒戒堅固戒常作戒常轉  
 戒受學戒是七種名尸波羅密淨謂菩薩自  
 依業報於一切不饒益事心不瞋恨若罵若

瞋若打若諍諸不饒益悉不返報於諸怨憎  
心不懷結若彼求悔虛受無礙若他觸犯不  
望懺謝如法哀受無畏無求常行饒益心不  
廢捨是七種名羈提波羅密淨謂菩薩善知  
平等精進不以精進自舉下人於諸善法專  
著精進堪能堅固不捨是七種名毗梨耶波

羅密淨謂菩薩善入無相三昧禪滿足三昧  
禪戒俱三昧禪入三昧禪無依三昧禪善修  
治三昧禪於菩薩藏聞緣修習無量三昧禪  
是七種名禪波羅密淨謂菩薩建立及謗二  
俱捨離中道慧出即以彼慧解脫門義如實  
了知空無相無作三脫門自性義如實了知

若妄想若緣起若成此三種自性離自性義  
如實了知若相若目緣若第一義此三種離  
自性及世諦義如實了知五明處第一義諦  
義如實了知多住七種如不妄想離虛偽一  
度門起無量下地法緣觀法次法向是七種  
名般若波羅密淨觀世音白佛言世尊彼五

種各有何業佛告觀世音當知有五業菩薩  
無礙者現法波羅密常頓方便不放逸無顧  
者攝受未來不放逸因無過者修滿淨波羅  
密無妄想者彼巧方便疾滿足波羅密迴向  
者於一切生常得善受果報無盡波羅密乃  
至阿耨多羅三藐三菩提觀世音白佛言世

尊此諸波羅密何者最勝佛告觀世音謂無  
礙無顧迴向何者不染汙謂無過無妄想何  
者熾然謂不計數何者不動謂入不退法地  
何者快淨謂住十地求佛地觀世音白佛言  
世尊何故菩薩當得無盡波羅密受果報及  
無盡波羅密佛告觀世音展轉相依捨修習  
故觀世音白佛言世尊何故菩薩深樂波羅  
密受果報佛告觀世音菩薩有五事一者諸  
波羅密增上喜樂真實曰二者攝取自他曰  
三者來世受果報曰四者離煩惱事五者不  
住惡趣觀世音白佛言世尊此諸波羅密各  
有何德力佛告觀世音當知各有四種一者

菩薩修諸波羅密時捨離慳貪犯或懈怠亂  
 心諸見二者為無上菩提真實眾具三者於  
 現法中攝取自他四者於未來世得廣大無  
 盡受果報觀世音白佛言世尊此諸波羅密  
 何日何果何義佛告觀世音此諸波羅密悲  
 為日受報攝取眾生為果滿足大菩提為大  
 身二

義觀世音白佛言世尊若菩薩有無盡財及  
 有悲心者何故世間有貧窮眾生佛告觀世  
 音此是眾生自業過耳若異者他常為作彼  
 則應有無盡之財世間何有貧窮眾生若然  
 者眾生作惡不應為障觀世音譬如餓鬼為  
 渴所逼惟見空壑非彼海過但彼餓鬼自業  
 過耳如彼大海無有過欲菩薩無過亦復如  
 是如彼餓鬼自業果報眾生業報亦復如是  
 觀世音白佛言世尊一切諸法悉無自性善  
 薩以何等波羅密取佛告觀世音般若波羅  
 密觀世音白佛言世尊般若波羅密取無自  
 性者何故不取自性佛告觀世音我不說無

自性取無自性然無自性無字自知彼不能  
 離字說而說以是故離自性取離自性觀世  
 音白佛言世尊所說波羅密上波羅密大波  
 羅密何等為波羅密何等為上波羅密何等  
 為大波羅密佛告觀世音菩薩於無量時修  
 習檀等善法成就而煩惱亦行不能降伏而

為彼所勝謂解行地轉中解轉名波羅密復  
 無量時修如是等善法成就煩惱亦行而能  
 伏煩惱非彼所勝謂從初地起名上波羅密  
 復無量時修如是等善法成就一切煩惱一  
 切不行謂第八地起是名大波羅密觀世音  
 白佛言世尊此諸地幾種煩惱使佛告觀世  
 身二

音有三種一者害伴謂五地觀世音不俱生  
 煩惱行俱生煩惱行伴彼爾時無是故名害  
 伴二者羸使謂六地七地細微行結修抑止  
 不行三者細微使謂第八地彼上上一切煩  
 惱一切不行及爾焰障依少故觀世音白佛  
 言世尊菩薩幾種過斷名斷彼使佛告觀世

音有三種初皮過斷第二膚過斷第三骨過斷離一切使者我說惟佛地觀世音白佛言世尊菩薩幾阿僧祇劫斷彼諸過佛告觀世音有三無量或刹那羅摩睺路半時一時日夜半月一月離梵二月為一離觀世音白佛言世尊此諸地菩薩煩惱起有何相何

過何德佛告觀世音不染汗相所以者何謂菩薩於初地入一切法界彼知煩惱起非不知是故名不染汗相不能令自身生苦故無過為眾生界作離苦日故菩薩起煩惱有無量功德觀世音白佛言奇哉世尊乃至大義善提今諸菩薩起煩惱勝一切眾生聲聞緣

覺善根功德況餘功德觀世音白佛言世尊世尊所說聲聞乘及大乘即是一乘有何義佛告觀世音我說聲聞乘法所謂五陰內六入外六入如是等我說即是大乘一法界一道是故我不說有種種乘而彼如所說義而起妄想或建立或誹謗說種種乘彼見相遠

各各諍論故作是說爾時世尊欲重宣此義而說偈言

說種種自性 是皆同一道 下劣上妙乘 無有種種異 如說隨妄想 建立或誹謗 彼見義相遠 愚惑種種解 地攝相所治 勝生及願學 此說大乘道 勤修速成佛

爾時觀世音菩薩白佛言世尊相續解脫經中此經何名云何奉持佛告觀世音此經名地波羅密了義說如是奉持說是地波羅密了義說時七萬五千菩薩得大乘光三昧相續解脫如來所作隨順慶了義經

如相續解脫經說文殊師利白佛言世尊世尊身二所說如來法身如來法身有何相佛告文殊師利地波羅密善修習乘身轉集成文殊師利是如來法身相當知復有不可思議相有二曰緣謂彼離虛偽無行衆生計著虛偽

行文殊師利白佛言世尊聲聞緣覺身轉亦是法身耶佛告文殊師利不名法身文殊師